



門 1
號 2999
卷 1

六合叢談小引

湖自吾西人越七萬餘里航海東來與中國敦和好之誼已十有四年於茲矣吾國士民旅於滬者幾歷寒暑日與中國士民遊近滬之地漸能相稔然通商設教僅在五口而西人足跡未至者不知凡幾兼以言語各異政化不同安能使之盡明吾意哉是以必頒書籍以通其理假文字以達其辭俾遠方之民與西土人士性情不至於隔閡事理有可以觀摩而遐邇自能一致矣始吾西人之僻在西隅也耳目之所及不遠輟迹之所至未周于時有人採國之奇事異聞鐫板傳布因此一舉一動衆無不知民甚便



昭和十六年三月五日
石澤介吉氏贈

之迨後日積月盛其規漸拓至於家喻而戶曉不獨富貴者能知之即貧賤者亦預聞焉軍國之政先覩為快貨殖之書不脛而走蓋幾視四海如一室矣今予著六合叢談一書亦欲通中外之情載遠近之事盡古今之變見聞所逮命筆志之月各一編罔拘成例務使穹蒼之大若在手掌瀛海之遙如同社席是以瑣言皆登諸紀載異事不壅於流傳也是書中所言天算輿圖以及民間事實纖悉備載粵稽中國載籍極博而所紀皆陳迹也如六經諸子三通等書吾人皆喜泛覽涉獵而獲其益因以觀事度理推陳出新竭心思以探奧竅畧舊說而創妙法惟在乎學之

勤而已比來西人之學此者精益求精超前軼古啟名哲未言之奧闢造化未洩之竒請畧舉其綱一為化學言物各有質自能變化精識之士條分縷析知有六十四元此物未成之質也一為察地之學地中泥沙與石各有層累積無數年歲而成細為推究皆分先後人類未生之際鴻濛甫闢之時觀此朗如明鑑此物已成之質也一為鳥獸草木之學舉一骨即能辨析入微知全體形狀之殊異植羣卉即能區別其類知列國氣候之不同一為測天之學地球一行星耳與他行星同遠地球者為定星定星之外則有星氣星氣之說昔以為天空之氣近以遠鏡窺之始

知係恒河沙數之定星所聚而成今之談天者其法較密於古中國古時有天元求一諸法今泰西代數最深者為微分法以之推算天文無不觸處洞然矣一為電氣之學天地人物之中其氣之精密流動者曰電氣發則為電藏則隱含萬物之內昔人畏避之以其能殺人也今則聚為妙用以代郵傳頃刻可通數百萬里別有重學流質數端以及聽視諸學皆窮極毫芒精研物理嗚呼疆域雖有攸別學問要貴相資聖人不能無過愚者尚有一得以此中外之大其所見所知豈無短長優絀之分哉若以此書而互相效學也尤予之所深幸也夫

卷之一

目錄 咸豐丁巳正月

丁巳元旦列國曆紀

地球 地球形勢大率論

希臘為西國文學之祖

泰西近事紀要

印度近事

粵省近事述畧

進口貨單

出口貨單

銀票單

水脚單

六合叢談卷之一

丁巳元旦列國曆紀

咸豐七年丁巳正月朔日

泰西曆一千八百五十七年正月廿六日、俄羅斯為正月十四日、以耶穌降生為元

回回曆一千二百七十三年五月三十日、以馬哈麻離本國之年為元

巴社曆一千二百二十六年六月初四日、以薩沙泥朝末主野特日即位之年為元

猶太曆五千六百十七年五月朔日，以開闢為元。

暹羅緬甸諸國曆，國年一千二百十八年十一月朔日，以

三百九十九年九月十六日，以佛涅槃之年為元。

六合彙編卷之二

地理

慕維廉

地理者言地面形勢分質政，二家質家言地乃水土所成，及土之位置廣大高低形勢，大畧水之位置廣大深淺流動之理也。總之水土支幹氣化不同，故禽獸草木隨地而異，各有限界。此言地質者之至要也。政家詳地之郡國省縣，與各國界限典籍土產貿易戶口律例教俗等事，欲知地面質體當先明地球形勢。今以天文地殼元質氣化諸理詳釋之。

地球形勢大率論

天文家言吾人所居之地乃諸行星之一也，諸行星皆繞

日而行故或稱屬日諸行星行星離日遠近不同大小疏密及自轉之時亦不同體區圓不透光亦不發光惟返日之光行自西而東軌道橢圓別有小行星繞之而行名曰月地有一月他行星或四或六不等此外又有彗星亦繞日而行軌道最橢故近日時較他行星尤近遠日時雖極精遠鏡亦不能見又有定星非日所屬與地球亦無相涉然愈可見造物主之大能也地球行星也遠日二萬七千五百五萬里繞日一周三百六十五日二時七刻三分四十九秒是謂一歲自轉一周十一時七刻十一分四秒加三分五十六秒共十二時成一晝夜與月相去約六十八

萬里月徑長六千二百里繞地一周二十七日四時地球赤道徑長二萬二千八百零四里二極徑長二萬二千八百二十八里赤道徑大於二極徑七十六里故在赤道圓而凸在二極圓而匾此離心之力所成故知地本柔質也論地質之疏密以四方相等之水石較之石重於水二倍半若地殼皆為此石則較重於水亦如是而以吸力大小相等之山水較之山重於水五倍則知地體重於水亦五倍地球之外有氣包涵以地心之吸力普周四面且隨地球晝夜旋轉氣之各點四方下壓之力均平近地者下壓最重漸高則漸輕至高則不覺矣由此推之氣高于地約

一百三十里也。凡地球之形狀，旋轉有光有熱，四時變化，晝夜相遞，潮汐朔望，氣化異象，及一切功效，皆藉諸行星而成焉。故地形因離心力而成，其旋轉因日與行星吸力所感動而生。繞日以行，向日之面為晝，背日之面為夜。軌道橢圓，本軸側倚二十三度二十八分，以成四時。至地之運行，月之朔望，氣之變化，亦動植諸物之所關係也。今不詳論，要之宇宙萬物，無不相聯絡，無一點雨下一粒沙，一草之生，一葉之落，不在日與行星運行大綱紀之中也。日力之及雖廣于天空中一點耳，而天空諸星之運行，旋繞亦非人所能逆探也。定星者，太陽之類也，亦有他星繞

之而行，或以謂日率諸行星，亦繞天空之樞，如諸行星繞日旋轉一周，為寒暑生死諸物盛衰之大四時也。以視吾地球四時之變化，僅如一瞬息耳。至于空際之形勢，諸星上之生物，則莫能測度也。屬日諸行星，經行空際，或有他力使另成新勢，吾地球當如何，不得而知也。惟自開闢以來，地之變遷不一，形勢迭更可畧言焉。

地中質體之理，與地為行星之理，同一奇妙也。大率觀之地，列水土水居深下，土即堅實磐石，而地面質體不與地中質體同也。蓋地質自地面至地中，壓力漸重，在地面至輕之物入地，深數百里上為物質重壓，亦成堅密，設准此

推得地球之重大于天文家用太陽吸力所推地球之真
重故地中必有本質異于地面明矣所以察地之士僅攷
地殼地殼之質能知之而地中之質惟懸度而已不能知
也地殼乃磐石不獨形勢排列可辨質體亦不同或堅凝
結英如大石或疎鬆不密如粉石或有層累或乃渾成
察其體質有黃石石英灰煤石鹽泥故地殼雖若堅密然
亦不能久不變也今之陸地有山有谷有壑有野有河湖
然非昔數千年之陸地也地勢屢易此長彼削或地震陷
裂或火山噴起湖涸河遷野沉洋溢桑田成海海中生塵
此古今變遷乃地質家之切要事也其詳細于下號剖述

希臘為西國文學之祖

艾約瑟

今之泰西各國天人理數文學彬彬其始皆祖于希臘列
邦童幼必先讀希臘羅馬之書入學鼓篋即習其詩古文
辭猶中國之治古文名家也文學一途天分抑亦人力教
弟子者童而習之俾好雅而惡俗初希臘人作詩歌以叙
史事明人楊慎二十一
史彈詞即其類也和馬海修達二人創為之餘子所
作今失傳時當中國姬周中葉傳寫無多均由口授每臨
勝會歌以動人和馬所作詩史唐杜甫作詩關係國事謂
之詩史西國則真有詩史
也傳者二種一以利亞凡二十四卷記希臘列邦攻破特

羅呀事一阿陀塞亞亦二十四卷記阿陀蘇自海洋歸國

事此二書皆每句十字無均古韻以字音短長相間為步

五步成句其說類此猶中國之論平仄也和馬遂為希臘

詩人之祖希臘全地文學之風雅典國最盛雅人從幼習

拳勇騎射以便身手其從事於學問者凡七一文章一辭

令一義理一算數一音樂一幾何一儀象其文章辭令之

學尤精以俗尚詩歌喜論說也他邦之學希人弗務雅典

學徒所聚之書院有三一路該恩一古奴薩爾該一亞迦

代彌耶書院中有園林亭榭曲徑清池巍峨堂院講道授

徒習文章辭令義理之學徒皆分舍而居其間兼習撲踊

走捷之技年十八書名於戶版二十歲可筮仕乘車馬賽

絕藝矣希臘人喜藏書古時僅有寫本至羅馬國其始推

魯無文皆希臘人教之希人開講肆於羅馬教之辭令羅

人樂之西國政教皆有議會及覆辨論故尤尚辭令其長老公會惡之禁希之

來設教者時耶穌前五百九十二年周定王十五年也令

甲雖行羅人之願學者如故當是時始有作史及演故事

者羅人出兵所至即破即收其圖籍入於羅馬凡破西班

牙或曰士班雅阿非利加馬其頓哥林多地方皆獲其珍寶書

畫石作等物哥林多一古几繪畫古人物乃先哲亞里西

底所作也軍士獲此呼盧擲彩於其上營將見而欲易之

彼曰可後鄰國之王欲以銀一萬五千兩易之營將不可
凱旋置之神祠祠燬於火此物亦成灰燼惜哉羅人獲古
書奇珍而不識必希人教之雅典爲四方年少者之大講
院皆往學焉羅馬作詩之名士曰微爾其留所作詩曰愛
乃揖斯實仿和馬而作凡十二卷詩中有言王子馬改羅
之叔父爲恩伯臘者中國皇帝之稱命爲皇嗣未嗣位而卒寥寥
數語哀感心脾其母見之奉潤筆銀六千兩羅人之善爲
說辭者曰基改羅彼云欲爲辭令之學者必往學於希臘
焉希人之爲列邦所矜式者不甯惟是造宮室之宏整治
石作之堅緻無出其右密蠟象牙傳以色深入不滅此法

今不傳玻璃鏡陽燧及染作磁作俱精巧奪目論天文者
已開哥白尼地球及行星環繞太陽之說近人作古希臘
人物表經濟博物者一百五十二家辭令義理者五十四
家工文章能校定古書者十三家天文算法者三十八家
明醫者二十八家治農田水利多識鳥獸草木者十二家
考地理習海道者十七家奇器重學者九家製造五金器
物者六家刻畫金石者七家建宮室者三十二家造金石
象者九十五家詩人畫工樂師四百家凡此皆希臘人自
耶穌降生前一千二百年至二百年中國商末至楚漢之
間前後有八百六十三家所著於典籍者至今人猶傳誦

之猗歟盛哉希臘信西國文學之祖也

泰西近事紀要

乙卯冬俄羅斯人守西巴士多卜魯英法破其南城俄人退扼北城地狹不能施堵禦之方乃請議和英法土三國許之列國公使羣會於法京巴黎斯議罷兵息戰惟波羅的海之舟師未撤籌議久之至丙辰二月二十四日和議乃成撤舟師休士卒奏凱而旋歐羅巴列國皆額手相慶英國上下二議院議勞其師凡居者行者皆錄其功四月朔即禮拜日英之士民羣集禮拜堂祝謝上帝因泰西全

土共享昇平也二十六日為英大酺之日兆姓臚歡大赦國中出叛逆者於囹圄和約之大略云外兵之在土境者一概遣歸俄當返土侵地之在亞西亞者土境之介於歐亞間者今當申畫郊圻更定疆里摩拉達維之地俄應割之與土越數月土境之外兵齊撤議繼自今土國君民興廢之事俄勿復預聞黑海之濱俄土勿置戍壘惟於瀕海之區令小師船游奕而已凡列國商賈可往黑海貿易置領事官其通商之例不設苛禁惟約法三章一舟子恐患疫疾宜泊外口至限期乃入一納貨稅一供邏卒之餉以期商船鱗集俄又當割多惱河鄰界以便列國帆檣往來

惟舟有患疾者不許往每國許以二舟泊河口夜張燈火使海艘便于駛行自後土不為俄屬國外兵勿由其境此皆和約之所議也今列國之人咸駛往黑海俄人不能潛謀伐土土亦稍強能自禦侮矣

二月十日法國王后誕子舉國有喜色 五月初旬法大河漲溢屋廬貨物漂沒無算淹斃人民亦衆王親勘水災設法拯救發帑賑濟貧苦于里昂賑銀萬兩於義塞賑銀二千五百兩於他處賑銀三萬兩王見編氓疾苦婦女流離彌厯焦勞乃繫銀囊于御鞍行蹕所至施與窮民英之大邑皆輸銀以濟其困

是時法蘭西以大利南境多不產絲乃至華購覓捆載盈船中土絲價踊貴以此

是時法王子種痘既愈遂受洗禮

四月二十八日英京建孤旅公局女王之贅婿亞爾北為之置基英例凡建公屋必延勳貴之人置創基首石示重其事也局中可居二百三十

人內設醫院器皿悉備夜則盈庭輝耀冬則滿屋和暖浴室儲冷熱之水衣服有洗滌之所自經始至落成約銀三萬五千兩寓其室者若欲寄銀至家亦可郵遞更可使不為匪徒愚弄詎取其財欲歸則公局為之賃船如舟泊京都可居其室舟歸則歸不歸則異日則賃他船更有入教

以英言原是局之所以設者因東來之商賈舟子或無戚友流離失所故招之來居亦懷遠之禮也倘華民至英京者可往問之庶免旅途之匱乏而有賓至如歸之樂焉

四月晦日英建大學院女王親臨置基院以大將軍宅林敦之名名之蓋以明矜式鄭重之意凡武弁之子悉在其

中學習書史

五六月間英兵離哥力米亞海凱旋其國女王大頒賞功之典憑軒慰勞錫予銀牌俾懸胸臆國之縉紳士民醵金設宴以酬其勞女王大閱軍士特加褒美焉

五月二十二日英與火輪驛船之公會約使馳遞信札自英至澳大利亞之悉德尼期以五十六日自悉德尼至英期以五十三日公會曰歐羅巴克楞皮雅火船會道經埃及之亞力山太沿海頸地蘇夷士又至加利角泊於麥普尼一日後抵悉德尼按麥普尼離悉德尼計程二日有半來之驛船於咸豐六年十二月從麥普尼啟行至英往之驛船于咸豐七年正月初旬從英啟行至悉德尼每月往返于英澳二地永著為例若由法之陸路可近五日自置駟以來未有如此之速者

六月中西班牙兵民交鬥初相愛拔特羅與大臣同日罷任女王詔將軍阿陀納代其職于是羣下疑女王欲搖國

本以兵制民兩院集議言王任阿相不順輿情公卿大夫咸不喜與之同僚阿陀納乃強執兵柄不即讓位而團練之民出與阿之兵士鬥弗勝殺傷甚多血流成渠女王與將軍議云自今全境之民悉聽士卒統轄永著為例于是西京馬德里之反側以安巴塞羅之民不服與阿兵戰敗績絀於力而從西人之竄于法者踵相接也按西班牙邇來之民皆喜寬縱自言其志國之大臣頗不喜之女王與阿陀納亦惡其以清議亂政也故以兵士挾制之近阿陀納罷拿瓦代為相亦非民望虐民更甚

七月印度境內烏德國君之二子偕其母莅英英待為上賓公卿大臣遇之加禮

去年英法戰事之時俄帝尼哥拉斯崩太子亞力山大繼位議和後行上冕禮九月九日在墨斯科上王冕大禮也歐洲列國各遣公使羣集殿陛呼嵩祝賀久矣夫休滌之盛典未得躬逢矣儀文既具大讌臣工官紳各舞蹈如禮

西禮羣臣以觀君踴躍殿中進退合節以寓賜拜之意俄帝宴賜之費約銀二百五十

萬兩

合衆國將簡頭目舉者三人皆民望之所歸一薄家南一飛勒瑪一弗立蒙民間集議紛然不一或曰惟弗最洽輿論焉

那不勒國王待其民酷藉墾地利之兵力強為挾制毋許庶人創為清議得干國政民間素設新聞紙局今皆懼不敢發人犯小過即置之獄撲殺無算英法聞而勸之因英法商賈旅居其國故也王答書辭甚倨俄帝反潛助那王近英法之王各詔公使歸國那國公使之駐英者英王命之返國茲英法將遣師船至那不勒灣扞衛英法之民行賈其地者恐那王虐待之焉

近法國運銀至中華印度不可勝紀財為之竭騷然蠢動民間謀利殊難自縉紳以至編氓皆有懸磬之嗟今亦稍裕想後自可流通利源也

印度近事

近波斯背約英將與之為難英駐劄印度之總督於十月四日馳檄告衆略云今本大臣受王詔命大閱兵士集於孟買將順流而濟波斯灣茲將啟釁之由布告如左咸豐二年十二月本國與波斯立約希辣全土倘無外兵至其境波斯勿舉兵戍守即有敵兵犯境遣戍之兵毋得入城如敵已退則戍兵亦當盡撤希辣一境嗣後勿為波斯屬地希辣境中之事波斯勿復預聞如有鄰國稱兵侵犯波斯求援於本國本國即當遣兵輔助此約永著為例本國與波斯咸當恪守乃今本國未嘗有違而波斯往征希辣

六合叢言 卷之一
敗曩盟而食前言咸豐五年十一月波斯邸報云阿富汗王陀思馬哈墨與鄰國議征干達哈爾干鄰于波斯現聞其將向希辣是以發兵遣戍哥喇森省城哥與希土壤毗連本大臣知阿富汗王欲攻希城未嘗實有此舉而波斯即兵臨希辣未有外兵侵伐而波斯輒攻其城命人為希辣全境之主將統理其事入于波斯版圖為其屬地戍兵城外者累月本國見其背約勢不得不問致書請其撤師而彼不從則不得齒於和好兄弟之國本國既與同盟理宜問罪現統兵丁自孟買乘舟駛至波斯灣特傳檄宣示須至檄者

金陵近事

或自金陵圍城逸出言洪楊近有釁楊將殺洪及其黨而未發其信任之左右密白洪時北王韋昌輝在皖洪馳書召之韋夤夜至城城啟無詰之者集衆官於朝而以兵圍東王之第梟揚首殲其黨妻孥皆駢斬無一免者內外城悉下鍵街市寂無人是役也死者二三萬餘黨未盡將設奇謀誘之於時城中哀歡之聲雜起洪妻言於衆曰韋誅殛太甚罰及無辜罪當刑咎四百若前在楊部屬者可來觀韋亦佯認罪越日人環集如市洪妻宣天王命撻韋如數并其佐而以兵圍觀者揚黨五六千人齊被執意謂罪

不至死皆棄械就縛洪命盡坑之自是日執人而戮之雖孩提不免經十旬不已當洪致書於韋時并及翼王石達開石聞命不赴及知楊被誅其戚亦在戮中乃上書請得韋首否將攻城洪遂斬韋函首詣石石令于軍中此丙辰十月事也十一月石率兵至金陵黨羽如林將討誅楊之人或懼而逸又述報恩塔已燬塔中實以火藥舉火焚之藥發塔傾惜哉

粵省近事述畧

邇來有粵東之變傳聞者不一詞茲特據述顛末無使浮言胥動焉攷英國之來中土也皆恪遵和約凡有軍國大事無不援以爲例謹查道光二十三年善後條約第九條云倘有不法華民因犯法逃在香港或潛住英國官船貨船避匿者一經英官查出即應交與華官按法處治倘華官或探聞在先或查出形跡可疑而英官尚未察出則華官當爲照會英官以便訪查嚴拿若已經罪人供認或查有證據知其入實係犯罪逃匿者英官必即交出斷無異言其英國水手兵丁或別項英人不論本國屬國黑白之類無論何故倘有逃至中國地方藏匿者華官亦必嚴行捉拿監禁交給近地英官收辦均不可有庇護隱匿有乖和好此和約之定議也乃觀粵東九月間一事竊有不然

者九月十日划艇亞羅張英國旗幟泊於粵江船主故英人舟子皆華民也猝有武弁率衆卒至艇盡執舟子十二人至城扯落英旂船主赴愬巴領事巴領事親至華舟查勘武弁待之甚倨乃致書粵督葉公備陳其事言擅執舟子與和約中照會後取之說不符令將十二人遣還而自任誤辦葉督答書不如所請十四日巴領事遵包公使之意再致書葉督期以二日遣還舟子并欲其任失察之咎二十三日巴復承包命以兩端爲問否則令軍長設法致討二十四日葉督遣還十二人於巴領事署巴不之受曰當仍還於原船不然則水師將任其責與貴國從事爲書

往葉置不問二十六日西軍門攻燬黃埔沿河礮臺二十七又毀礮臺三座二十九日葉督諭得英人首者賞三十金十月朔葉督遣雷州府蔣守至巴署見西軍門而與之言軍門告之曰吾國官弁當進城面商事宜後援爲例葉不答西軍門見其藐已不得已舉礮攻城城破西軍門巴領事等至葉署即約兵退於民無犯二日西軍門致書葉督曰蔣守來署問何以啟釁敝國所請者惟欲至城商辦事宜已言之再三矣攻城之舉由爾所激勢非得已若再堅執前言不僅此而止也三日葉督覆書云前者人已如數遣還巴領事不受划艇係華民所有非貴國之舟泊

舟舉旗與貴國向例不符且執人之時並不見旗也入城之說於道光二十九年文公使已有明諭商辦之事則蔣守現在可與之言四日西軍門致書葉督云划艇之事可勿辨論巴領事請還十二人於原船而爾不省進城以二年爲期而爾屆期背約果孰是孰非乎是日巴領事出示諭民備將事之始終詳告粵人謂斯釁之起葉督實爲戎首八日粵民羣上書於公使包云我儕一心不願英商入城九日西軍門諭粵民云我豈不能燬城垣焚廬舍使爲焦土而不出此者爲爾民之故是事葉督任其咎如欲共享昇平安居樂業則爾等宜勸葉督秉公辦理庶免斯禍

葉督出示諭民云英夷啟釁志在進城今特借端滋事本大臣援道光丁未年舊例反覆開導英終不聽本大臣必堅執向例不能曲從其請也爾等勿復驚惶宜一心堵守同仇敵愾十日包公使諭粵民曰舉兵攻城惟葉督是問言及進城之事乃循和約舊章而葉督云我許之恐粵民不許不能保衛我之欲進城者蓋以免後日傳言誤事之弊如官不能衛則我自能相保我命已行不能暫止如爾等欲干戈克靖宜勸葉督勿堅持前說乃可十一日近粵礮臺有英小艇經其側即發礮擊之英師船驟至戰艦二十艘環列江面皆燃礮相向英船亦反礮盡溺其舟而毀

礮臺二十日葉督覆書論進城一事言道光丁未戊申年間徐大臣已與文公使要約文已出示禁英商入城載在新聞紙中徐亦以英人進城罷議之說疏奏京師詔西商毋得入城著之令甲二十二日葉督寄書於包公使進城之說仍執前言并以衆怒不可犯恫喝之十六日西軍門移攻虎門礮臺離粵約一百五十里轟擊半晷許登岸毀橫檔南北礮臺十七日毀亞西娘二礮臺又毀大角頭礮臺是時西人之行賈於粵者珍奇之物遠徙他所惟餘兵勇堵扼巡守而已十九日花旗人駛船至粵經沿河礮臺屢為礮所擊回花武員遣師船二與之縱擊相離約數百

武天暝而止花公使致書葉督責以誤擊葉督報書不順其意於二十三日復開礮轟擊二十四二十五日連次進攻礮臺頓毀十一月八日英火輪船二駛至粵東攻最固之礮臺舉礮仰擊半時許克之十有八日英行之在粵者忽六處同時被火烈焰具舉盡成焦土惟一屋巍然僅存二十五日有英貨船泊于黃埔晚時小艇至側云欲送書舟長且必面見而與之舟長名扣泊於時與婦散步於舟其女告以故舟長即下接其書忽小艇中出健男子六人強拽之下婦及女號而救之不及其女急令二華民棹小舟尾其後時昏黑不能辨影倏忽間不知所往小舟旋返

又遣舟四出莫可踪跡其子修書馳至粵東而告西軍門西與巴領事迅發火輪師船至黃埔遍傳檄文謂若不歸扣泊者將焚其廬舍務盡二十七日火輪驛船鐵煞勒尾繫一划艇內載珍玩重器乃粵中灰燼所餘者自粵至虎門夜半忽有華艇百蟻集於前開礮攻擊火船向前直往復有百艘鱗列以待兩鉛丸擊中煙突掌舵之華人死焉火船之膳夫折其臂英人死者一華民爲舟子者亦死一人是時鉛丸如雨擊船有聲一丸穿船而過離水面不盈尺斃者二人傷者四人一腦陷而氣垂絕矣乃令划艇之人羣上火船而斷其索划艇墜爲粵人所擄是船中共載

華人五十西人三此皆近日粵變之大略也覽者亦可知其故矣

近又聞鐵煞勒驛船遭難之後於十二月離粵粵人賃其船者衆至中途忽起爲亂殺舟子及附載之客而焚其船

火石每担價洋九角

胡椒每担價洋
白者九元至十元
黑者七元

蘇木每担價洋一元八角至二元五角

檀香每担價洋
一號九元
二號六元

沙藤每担價洋
上等四元
中等三元五角
下等三元

糖每担價洋
白者
一號五元五角
二號四元七角
三號三元八角
紅者
一號三元五角
二號三元三角
三號三元一角

點銅每担價洋
一號二十八元至三十元
二號二十四元至二十六元
三號十四元至十八元

出口茶價單
工夫茶在滬邑甚少粵省貿易不通以致價值稍昂

紅茶

粗河口每担價銀十二兩至十六兩

里山界首每担價銀十六兩至十八兩

寧州新茶每担價銀十七兩至二十五兩

綠茶

兩前每担價銀
八兩至十兩

芽兩每担價銀
十一兩至十四兩

娥眉每担價銀
十八兩至二十二兩

元珠每担價銀
上等十六兩至二十二兩
中等十三兩至十五兩
下等十兩至十二兩

芝珠每担價銀
上等十六兩至二十二兩
中等十三兩至十五兩
下等十兩至十二兩

出徽州婺源者

十兩至十二兩

十四兩至十七兩

二十一兩至二十九兩

二十七兩至四十四兩

三十六兩至五十五兩

熙春 每担價銀

上等無
中等無

下等十二兩至十五兩

三十四兩至四十四兩

松蘿 每担價銀

上等十兩至十二兩
中等七兩至九兩

十四兩至十七兩

皮茶 每担價銀

上等八兩至十兩
中等五兩至七兩

九兩至十二兩
十三兩至十五兩
八兩至十一兩

銀票單

司令票

六塊九分

每塊司令

當洋壹元

付廣平寶作壹百十二元

廣東票 洋當七折

元寶上海平會稱一百十七元當光洋一百零三元

水脚單

至英國每噸即五十立方尺

茶葉一磅十司令
絲四磅

至花旗國每噸即四十立方尺 茶葉洋五元

